

Канон

Канон святым благоверным князю Петру и княгине Февронии Муромским,

глас 8



Свв. благ. кн. Петр и Феврония

Песнь 1

Ирмос: *Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.*

Господи Иисусе Христе, Боже мой, помилуй мя.

Песнь Твоему угоднику, на земли Тебе прославльшему, / Петру принести, Боже, даруй ми, / яко да Смыслодавца песньми возвеличу Тя.

Святии благовернии Петре и Февроние, молитвe Бога о нас.

Вас, преблаженнии, отечеству вашему, / яко пресветлое солнце, Христос показа, / чудесы всех озаряющее, верою к вам приходящих.

Слава: Яко о телесных небрегше, и земная, яко тленная, возненавидевше, / и сего ради мира отрешкшеся, преподобных чести сподобистесь, / с нимиже о мире молитесь.

И ныне: Пречистая Богородице, рождающая плотию присносущное Слово Безначального Отца, Приснодево, / Емуже ныне взываем: / Избавителю Богу нашему поим.

Песнь 3

Ирмос: *Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едине Человеколюбче.*

Святии благовернии Петре и Февроние, молитвe Бога о нас.

Безпомощным буди помощник, блаженне Петре, / и печальным милостивное утешение, / да, твоими молитвами избавляеми, почитаем тя.

Святии благовернии Петре и Февроние, молитвe Бога о нас.

Якоже иногда змия убив, конечному безвестию предал еси, / тако и ныне твое отечество борющихся победы, преблаженне, / да тя прославляем.

Слава: Виждь уныние, виждь печаль, виждь беду, на ны нападающую от противных, / темже молитвою твоею ко Господу премени, Петре, / да благочестно тя почитаем.

И ныне: Тебе вси стяжахом, христиане, прибежище и стену / и Тебе славословим немолчно, Безвестная.

Господи, помилуй. *(трижды)*

Седален, глас 4

Благословенному и светоносному торжеству, / якоже солнцу возсиявшему, Петра и Февронии, во всем мире, / к нимже стецемся, вернии, и непрестанно вопием сице: / аще и преидосте от земли, преславнии, но нас не отлучитесь / и тамо со Ангелы Троице предстоите, / Юже молитвe спасти души наша.

Слава, и ныне, Богородичен: Слово Отчее, Христа Бога нашего, от Тебе воплотившагося, познахом, Богородице Дево, / Едина Чистая, Едина Благословенная. / Тем непрестанно Тя, воспевающе, величаем.

Песнь 4

Ирмос: *Услышах, Господи, / смотрения Твоего таинство, / разумех дела Твоя / и прославих Твое Божество.*

Святии благовернии Петре и Февроние, молитвe Бога о нас.

Яко ходатай и заступник отечеству твоему, / яко сопротивных решитель буди, заступая люди твоя, / тебе, Петре, славящия.

Святии благовернии Петре и Февроние, молитвe Бога о нас.

Яко в Небесных обителех с преподобными и праведными веселяся, / преблаженне Петре купно с Феврониею, / не престай моля о людех твоих.

Слава: Тебе молимся, преблаженне, сопротивных шатание низложи / и недуги человек облегчи, / яко да во гласех хваления тебе величаем.

И ныне: Очищение нашим даруй прегрешением, яко Преблаг, / и умири мир Твой, Боже, молитвами Рождшия Тя.

Песнь 5

Ирмос: Вскую мя отрунул еси / от лица Твоего, Свете незаходимый, / и покрыла мя есть чуждая тьма, окаянного? / Но обрати мя и к свету заповедей Твоих / пути моя направи, молюся.

Святии благовернии Петре и Февроние, молитвe Бога о нас.

Земля освятися, приемши честная телеса ваша, / Богоблаженнии Петре и Февроние, / человецы же, приемлюще вами исцеление, Христа славят, / искренно вас прославльшаго.

Святии благовернии Петре и Февроние, молитвe Бога о нас.

Аще и преидосте от земли, но к Небесным dospете / и тамо со Ангелы Троице предстаете, / Юже молитвe спасти любовью вас почитающих, блаженнии.

Слава: Яко звезды пресветлая и яко незаходимое солнце, стяжавше вас, / отечество ваше хвалится, / почитающе память вашу пречестную, Петре и Февроние.

И ныне: Деву поем Тя по рождестве, Богородице, / Ты бо плотию Бога Слова нам родила еси, / Емуже вси сие зовем: / пути наша направи, молим Ти ся.

Песнь 6

Ирмос: Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Боже спасения моего.

Святии благовернии Петре и Февроние, молитвe Бога о нас.

О, пречестная двоице! / О величии светильницы! / Освятите и прославите любовью вас в песнях славящих, чудотворцы.

Святии благовернии Петре и Февроние, молитвe Бога о нас.

Яко пресветлая двоице и яко пречестная верста и благосочетание, / ярем Господень взявше, / Тому от души поработаете.

Слава: Яко советницы добрии своему житию, / едину мысль во двою телу имуще, мир чудесы просвещаете, / темже и нас озарите молитвами вашими.

И ныне: Уясняют пророчестии гласи Божию Тя, Дево, Родительницу, / поем же Тя и мы, видяще сбытие честных прорицаний, / девству воистинну и чистоте вместилище.

Господи, помилуй, **трижды.** Слава, и ныне:

Кондак, глас 8. Подобен: Взбранной:

Мира сего княжение и славу временну помышляя, / сего ради благочестно в мире пожил еси, Петре, / купно и с супружницею твоею премудрою Феврониею, / милостынею и молитвами Богу

угодивше. / Темже, и по смерти неразлучно во гробе лежаще, / исцеление невидимо подаваете,
/ и ныне Христу молитесь, / сохранити град же и люди, иже вас славящих.

Икос: Уясни язык мой, Спасе, и умири сердце мое, / разшири уста моя и наполни Духа и премудрости, / да имиже возглаголю и воспую сице Твоя чудотворцы: / радуйся, Петре блаженне, с прехвальною Феврониею вкупе. / Радуйтесь, земли Российстей заступницы и князем православным помощницы. / Радуйтесь, отечеству вашему хранители и граду нашему утверждение. / О пречестная двоице и благое сопряжение, Христу молитесь / сохранити град и люди, вас славящих.

Песнь 7

Ирмос: *От Иудеи дошедше, отроцы / в Вавилоне иногда / верою Троическою пламень пещный попраша, поюще: / отец Боже, благословен еси.*

Святии благовернии Петре и Февроние, молитесь Бога о нас.

В болезни к тебе прибегающих избавляй, преблаженне Петре / купно с Феврониею, Христу вопиющих: / отец наших Боже, благословен еси.

Святии благовернии Петре и Февроние, молитесь Бога о нас.

Всем пристанище будите, преблаженнии, / и небурное отишие сущим во гресех, / да и мы с вами Христу возопием: / отец наших Боже, благословен еси.

Святии благовернии Петре и Февроние, молитесь Бога о нас.

Прибежище да ми будите в день гнева, Богоблаженнии, / яко посреде хожду сетей многих: / темже избавите мя от них, да возмогу воспети вас.

Слава: Днесь преславная память Петра и Февронии, яко солнце, возсия в мире, / в нюже сошедшеся, вси воспоем сице: / отец наших Боже, благословен еси.

И ныне: Капля Боготочная, от Тебе рождаемая, мир освяти, Богородице Дево: / капли ми милости источи, / освящающия души и помышления земных.

Песнь 8

Ирмос: *Царя Небеснаго, / Егоже поют вси Ангельстии, / хвалите и превозносите во вся веки.*

Господи Иисусе Христе, Боже мой, помилуй мя.

Очисти и прости согрешения наша, Безгрешне, / молитвами Твоих угодник, Петра и Февронии, / да поем Тя, Христе, во веки.

Святии благовернии Петре и Февроние, молитесь Бога о нас.

Иже от сердца рукою недостойною приносимое вам хваление, блаженнии, примите, / и мольбу сотворите о нас ко Христу Богу.

Слава, Троицен: Певцем, Тебе поющим, Троице Пресвятая, / согрешения остави, яко Преблага, / молитв ради Петра и Февронии, да Тя поем во веки.

И ныне: Божества сосуд бывши, Чистая, / просвети мя в повелении Света ходити, Пречистая, / от чрева Твоего возсиявшего и просветившего верных сердца.

Песнь 9

Ирмос: Воистинну Богородицу / Тя исповедуем, / спасеннии Тобою, Дево Чистая, / с Безплотными лики Тя величающе.

Святии благовернии Петре и Февроние, молитвe Бога о нас.

От юности ваша чистую совесть имуще к Богу, / сего ради, благочестно поживше, к Вышним преидосте. / Молите Христа о нас, да вас любовью почитаем.

Святии благовернии Петре и Февроние, молитвe Бога о нас.

Яко предстояще Святей Троице с преподобными и праведными, / молитесь, блаженнии, избавити нас всякаго прещения и гнева, / да вас непрестанно величаем.

Слава: Людие твои молят тя, Богоблаженне Петре, / купно моли Христа с премудрою Феврониею, / с неюже в мире богоугодно пожил еси, / избавити нас от всяких зол.

И ныне: О, чудесе великаго! / Како вместися во утробу Твою Христос Бог, никакоже вместимый? / Егоже за хвалящия Тя умоли, Дево, от бед избавити нас / и от беззаконных человек всегда.

Светилен. Подобен: Посетил ны:

Иже благочестно празднующим память вашу, Богоблаженнии Петре и Февроние, / вкупе мирно поживше и благочестно, / молитвe Христа грехов оставление даровати рабом вашим.

Слава, и ныне, Богородичен: Пресвятая Богородице, упование наше и похвало, / Тя едину ведуще, верою покланяющесе, молим: / радуйся, Неискусобрачная Святая Марие, покрове и ограждение наше / и Помощница сущим в бедах. / Моли Христа, Сына Твоего, за рабы Твоя, на Тя бо надеемся.